

Ulloq: 26. januar 2021
Allaffik: Nordatlantkontoret
Suliarinn.: Malene Lynggaard
Suliaq nr.: 2017-490-0004
Dok.: 946717

MISSINGIUT

uunga

Katinnikkut aappariinnermi ataatsimoorullugit pigisanik kingornussanil-luunniit nalunaarsuinermut agguaanermullu il. il. inatsisip Kalaallit Nuna-annut atuuttunngortinnejarnissaanut peqqussut

UAGUT, MARGRETHE APPAAT, Guutip Saammaassineratigut Dan-markip Dronningia, nalunaarpugut:

Katinnikkut aapparinnermi pigisanik kingornussanilluunniit nalunaarsuineq agguassinerlu il. il. pilllugit inatsit nr. 594 juunip 14-ianni 2011-meersumi § 88ⁱ malillugu aalajan-gersarneqarpoq inatsit Kalaallit Nunaannut atuutilissasoq imatut allallugu:

Kapitali 1

Eqqartuussiviup piginnaatitaanera

Suliamik piginnaassuseqarneq

§ 1. Kalaallit Nunaata Eqqartuussiviata suliat suliarsarpai

- 1) aappariit katissimasut ataatsimut pigisaasa agguannissaat, aappa-riilernermermi pigisat nassatat amigartugarluarpataluunniit,
- 2) katinnikut aappariit pigisaat immikkut ittut arlallit ataatsimut atorunnaarsinnerat,

Slotsholmsgade 10
1216 København K.

T +45 7226 8400
F +45 3393 3510

www.justitsministeriet.dk
jm@jm.dk

- 3) katissimatinanai najugaqatip ataatsimut pigisanut arlalinnut pigisaasa najugaqatigiinnerup atuukkunnaarnerani atorunnaarnerat aamma
- 4) pigisat allat, tassunga ilagitillugit soqutigisaqaqatigiinnikkut pigisat assigisaallu, akiliisinnaajunnaarneq pillugu malittarisassat malillugit suliarineqanngitsut atorunnaarsinnerat.

Imm. 2. Suliat imm. 1-imu taagorneqartut tunngatinneqarsinnaapput pigisat ilaannut.

Imm. 3. Kapitali 2-mit 5-imut ilangunnagit §§ 10 aamma 44 assinganik atuutissapput suliani imm. 1, nr. 2-miit 4-mut taagorneqartuni.

§ 2. Kalaallit Nunaata Eqqartuussiviata suliarissavai suliat ataasiakkaar-lugit isumaqatigiinngissut pilersut pigisat § 1 imaluunniit katinnikkut aap-pariit ataatsimut pigisaannit nammineq pigisat aamma ataatsimut pigisani immikkut pigisat nalillit, tassunga ilagitillugit tunngassuteqartut

- 1) pigisani pigisanut nalillit aamma aningasat namminerisat naatsorsor-nerinisa agguarnerinut,
- 2) aappariilernermeri nassatat naatsorsorneri aamma taakkua ilaat pigisat agguarnerannut ilaasussaapata,
- 3) akissarsiassanik piumasaqaatit, tak. inatsisit katinnikkut aapparinner-mut sunniutaat pillugit inatsisip nr. 150 martsip 31-anni 1993-imeersup Kalaallit Nunaannut atuutilernissaani §§ 23 aamma 56,
- 4) (Kalaallit Nunaannut atuutilissanngilaq).
- 5) immikkut pigisat killilernerat aamma
- 6) immikkut pigisat pillugit taarsivigineqarnissamik piumasaqaatit, tak.
§ 67.

Imm. 2. Kalaallit Nunaanni Eqqartuussiviup aammattaaq katinnikkut aa-ppariit akornani suliat immikkoortut suliarisarpai

- 1) tak. § 67, aamma
- 2) katinnikkut aappariit pigisaasa agguarnissaannik pigisanik na-lilersuinermi isumaqatigiissutaasa sumiginneqarnerat, al-lanngortinnerat aamma nassuiaasierterat.

Imm. 3. Katinnikut pigisat avinnissaannut isumaqatigiissutaat allanik aamma imaqparrat, tak. Imm. 2, nr. 2, taava Kalaallit Nunaata Eqqartus-siviata taakku itigartitsissutigissavai.

Imm. 4. Suliat imm. 1-imu 2-milu taaneqartut pinerluttulerinermik inatsimmi, saqtsaannermik suliassanut malittareqqusat malillugit inger-lanneqassapput, taamaattoq tak. § 5. §§ 68 aamma 72 taamaaqataanik atuu-tissapput.

§ 3. Inatsit atuutinngilaq, toqsut pigisaasa kingornunneqartussartaasa nalunaarsorneqarnerannut agguannerannullu imaluunniit katinnikkut aapparisap sivisunerusumik inuusup pigisat ilaannit pigisaasa kingornussassat agguanneqartussallu tunngasortaannut, tassunga ilagitillugu pigisat kingornussaanatillu agguaneqartussanngitsut, taassuma inuugallarnerani.

Nunani tamalaani piginnaatitaaneq

§ 4. Pigisat kingornussassat nalunaarsorneqarneqlutillu agguannisaannut § 1 malillugu noqqaassut tunniunneqassaaq Kalaallit Nunaanni Eqqartuussivimmut, aappariit arlaat Kalaallit Nunaanni najugaqarpat.

Imm. 2. Aappariit minnerpaamik arlaat Kalaallit Nunaanut attuumasuteqarpat, aappariit isumaqtigiiingissuteqarunik, isumaqtigiiissutigisinnaavaat pigisanik kingornussanik nalunaarsuinissamut agguassinissamullu noqqaassut Kalaallit Nunaanni tunniunneqassasoq.

Imm. 3. § 1, imm. 1, nr. 4 malillugu ataatsimut pigisanik kingornussasanilluunniit nalunaarsuineq agguassinerlu, imm. 1 aamma 2 apeqqutaatinag, Kalaallit Nunaanni Eqqartuussivimmut suliassanngortinnejqarsinnaavoq, ataatsimut pigisanik piginneqatigiittut eqqartuussisoqarfiata najuga tamaaniippat.

Imm. 4. Noqqaassuteqarnikkut pigisat ilaat Kalaallit Nunaanniittut, maani suliassanngortinnejqarsinnaapput, pigisat nalillit pineqartut nunani allani nalilorsorneqarneranni ilagtinneqanngippata.

§ 5. § 2, imm. 1 malillugu suliat katinnikkut aappariit ataatsimut pigisaanni nammieq pigisanik imaluunniit ataatsimoorullugit pigisani immikkut pigisat nalillit arlallit, Kalaallit Nunaanni suliarineqarsinnaapput § 2, imm. 2 malillugu, katinnikkut aappariit arlaat tamaani najugaqarpat.

Imm. 2. Ikinnerpaamik katinnikkut aappariit arlaat Kalaallit Nunaannut attumassuteqarpat, katinnikut aappariit isumaqtigiiingissuteqarunik, isumaqtigissutigisinnaavaat suliaq Kalaallit Nunaanni suliarineqassasoq.

Sumiiffimi piginnaatitaaneq

§ 6. Pigisanik kingornussassanilluunniit nalunaarsugaallutillu agguaneqartussanik suliaqarnissamik noqqaassut § 1 malillugu Kalaallit Nunaanni Eqqartuussivimmut suliassiissutigineqassaaq.

Imm. 2. (Kalaallit Nunaannut atuutissanngilaq).

Imm. 3. (Kalaallit Nunaannut atuutissanngilaq).

§ 7. (Kalaallit Nunaanni atuutissanngilaq).

§ 8. (Kalaallit Nunaanni atutissanngilaq).

Kapitali 2

Ataatsimut pigisat agguaannissaannut eqqartuussivimmieinneq

Agguassinermut ikiorneqarnissamut noqqaassut

§ 9. Kalaallit Nunaanni Eqqartuussivimmuit ataatsimut pigisat agguaannissaani ikioqqulluni noqqaassut imaqassaaq katinnikkut appariit aqqinik, najugaanik, ullunik inuuiinik aamma ajornangippat inuttut normunut uppernarsatinik, taakkununnga ilanngullugu § 10-mi piumasaqaatip naamassisimaneranik uppernarsaat.

Imm. 2. Noqqaassummi imm. 1-imni piumasaqaatit naammassineqarsi-mannngippata, Kalaallit Nunaanni Eqqartuussiviup suliassaq itigartitsisutigisinnaavaa.

§ 10. Ataatsimut pigisanik agguassinermut ikiorneqarnissamut noqqaassut siusinnerpaamik tunniunneqarsinnaavoq, averusernissamut imaluunniit avivinnissamut noqqaassut Kalaallit Nunaanni Naalagaaffiup Sinnisoqarfianut imaluunniit kredsrettimut tunniunneqareerpat, imaluunniit pigisat immikkoortinnissaannut peqqussut eqqartuussutikkut nalunaarutigineqareerpat imaluunniit appariinnerup atorunnaarnissaa eqqartuussutikkut suliassiissutigineqareerpat.

Ataatsimiinnissamut aggeeqqusissut

§ 11. Kalaallit Nunaanni Eqqartuussiviup katinnikkut appariit sapinngisamik pinasuartumik ilitsersuinermut isumaqatigiinniarnermullu aggersassavai, imaassimanngippat ataatsimiinnissaq ilimaginngisamik pisari-aqarunnaarsimasoq.

Imm. 2. Katinnikkut appariit ataatsimiinnermut inuttut najuutissapput, imaassimanngippat, ileqqungitsumik Kalaallit Nunaanni Eqqartuussivik allatut aalajangiisoq.

§ 12. Katinnikkut appariit kingusinnerpaamik ataatsimiinnissaq ullut 7-inik sioqqullugu paasissutissanik tunniussissapput pigisanik kingornussanillu nalunaarsukkanillu agguassinermut pingaarutilinnik, katinnikkut apparisap pigisai namminerlu aningasaataasa annertussusiannik taakkualu nalingisa missingerneranni apeqqutit suut isumaqatigiinngissutaanersut pil-lugit.

Imm. 2. Paassisutissanik tunniussisoqanngippat imaluunniit amigartumik tunniussisoqarpat Kalaallit Nunaanni Eqqartuussiviup paasisutissat pisariaqartitat pisortanit piniarsinnaavai.

Ataatsimiinnissamut agginngitsoorneq

§ 13. Katinnikkut aappaasoq ikiorneqarnissamut noqqaasimasoq ataatsimiinnissamut agginngitsoorpat, Kalaallit Nunaanni Eqqartuussiviup sulias-saq itigartitsissutigisinnaavaa, imaassimanngippat katinnikkut aappaasoq, suliami illuatungiliuttusoq aggersimasoq suliarlu ingerlatiinnaqqullugu.

Imm. 2. Katinnikkut appariit tamarmik agginngitsoorpata Kalaallit Nunaanni Eqqartuussiviup suliaq unitsissavaa.

Imm. 3. Kalaallit Nunaanni Eqqartuussiviup immikkut ittumik katinnikkut aappaasup aggingitsoornera paragrafimi matumani sunniuteqanngitsis-sinnaavaa. Tamatumanimi isiginiarneqassaaq inatsisinik tunngaveqarluni agginngitsoortoqarnersoq imaluunniit ilimagineqartoq tunngavissaqarluni utoqqatsissuteqartoqartoq.

Eqqartuussiviup piginnaatitaaneranut akerliliinerit

§ 14. Kalaallit Nunaata Eqqartuussiviata piginnaatitaaneranut akerli-usoqarpat, tassunga ilagittilugu pigisat isumaqatigiinnikkut agguarneqare-ersimanerannut imaluunniit allatigut, Kalaallit Nunaanni Eqqartuussivik up-bernarsateqareerluni taamanna pillugu aalajangiissaaq. Aalajangerneq tunngavilersukkamik aalajangiinerussaaq.

Siunnersuillluni isumaqatigiissitsiniarlunilu ataatsimiinneq

§ 15. Kalaallit Nunaanni Eqqartuussiviup ataatsimiinnermi ersersissa-vaa paassisutissat pisariaqartut katinnikkut appariit pigisaannik nalilinnik namminerisatullu aningasaataannik peqartoqarnersoq, aamma apeqqutit suut katinnikkut appariit isumaqatigiinngissutigineraat.

Imm. 2. Kalaallit Nunaanni Eqqartuussiviup pisariaqarnera malillugu pigisat aggurneranut malittarisat ilitsersuutigissavai katinnikkullu appariit ikiорlugit tamanna pillugu, isumaqatigiissutissap naammaasiniarnerani nang-aassutigineqanngippat tamanna.

Imm. 3. Kalaallit Nunaanni Eqqartuussivik qaqtiguinnaq ataasiarluni arlaleriarluniluunniit ataatsimiitsitseqqissinnaavoq. § 11, imm. 2, aamma § 13 assinganik atorneqassapput.

Uppernarsaaneq

§ 16. Uppernarsaassummik pisariaqartitsineqarpat Kalaallit Nunaanni Eqqaartuussivik noqqaassuteqartoqarneratigut tamanna pillugu aalajangiisinnavaoq.

Pigisanik nalilersuisumut innersuussineq

§ 17. Kalaallit Nunaanni Eqqartuussiviup suliaq pigisanik nalilersuisumut innersuussutigissavaa, katinnikkut aappariit tamanna noqqaasutigippassuk. Taamaattoqanngippat Kalaallit Nunaanni Eqqaartuussiviup suliaq unitsissavaa.

Imm. 2. Qularnaveeqqusineq pillugu § 37 atuuppoq.

Kapitali 3

Ataatsimut pigisat nalilersuisartumit suliarineqarnerat

Nalilersuisussamik toqqaaneq

§ 18. Suliaq nalilersuisartumut innersuunneqarpat, Kalaallit Nunaanni Eqqartuuussiviup toqqassavaa nalilersuisartoq akuerisaasoq pigisat nalilersornisaannik isumagineqquullugu. Katinnikkut aappariit kissaatigippassuk nalilersuisartoq akuerisaq aalajangersimasoq, Kalaallit Nunaanni Eqqaartuussiviup taanna naliginnaasoq malillugu toqqassavaa.

Imm. 2. Kalaallit Nunaanni Eqqartuussiviup akuerisinnaavaa katinnikkut aappariit isumaqatigiillutik nalilersuisartoq akuerisaanngitsoq toqqassagaat, tamatumunnga immikkut tunngavissaqarpat.

Imm. 3. Pigisat nalilersorneranni katinnikkut aappariit isumaqatigiillutik allamik naliliisoqarnissaa kissaatigippassuk pissutsinullu tamanna naapertuuppat, Kalaallit Nunaanni Eqqartuussiviup imm. 1 aamma 2 malillugit nalilersuisussamik nutaamik toqqaassaaq. Pissutsinut naapertuuppat, Kalaallit Nunaanni Eqqartuussiviup aalajangersinnaavaa nalilersuisartup, nalilersuisartutut akuersissutaat orunnaalaruertoq, pigisanik nalunaarsuineq agguaassinerlu aallarteriigaq ingerlatiinnassagaa nangillugu.

Nalilersuisartup suliassai

§ 19. Nalilersuisartup pisariaqartitsineq malillugu katinnikkut aappariit ilitsersussavai inatsisitigut inissisimanagerannik ikiorlugillu apeqqutini pigisanik nalunaarsuinermi agguassinermilu pisarialinni. Nalilersuisartup siunertarissavaa katinnikkut aappariit saqitsaassutaanni atuussinnaasunik akaareqatigiissumik naammassinninnissaq, suliami aningaasartuutit pigisat nalinginut nammaqatigiissillugit.

§ 20. Nalillersuisartoq katinnikkut aappariinnut ingerlaavartumik paasisitsisassaaq nalilersuinerup ingerlaneranik naammasiumaarnissaanillu.

Imm. 2. Nalilersuisartup katinnikut aapparit ataatsimiigiaqqusassavai, tamanna pisariaqaleraangat. Nalilersuisartup akuerisinnaavaa ataatsimiinnermi allat najuunnissaat.

Imm. 3. Nalilersuisartoq ataatsimiinnernit imaqarniliortassaaq aamma oqalunnikkut katinnikkut appariinnit isummiutinik allanik. Ersersissaaq katinnikkut aappariit suut isumaqatigiissutigineraat isumaqatigiinngissutigineraallu.

Imm. 4. Isumaqatigiinngissutini nalilersuisartup kaammatuutigissavaa § 2, imm. 1 malillugu suliassanngortitsineq. Suliaq suliassiis-sutigineqanngippat, nalilersuisartup apeqqummut nammineq naliliinini nas-suaatigissavaa, taanna tunngaviussaaq suliap suliareqqinnissaanut. Nalilersuisartup nutaamik suliassaanngortitsinissaq kaammatuutigissavaa, katinnikkut aappariit arlaat naliliinernut isumaqataanngippat.

Akit pillugit paassisutissiineq il. il.

§ 21. Nalilersuisartup ataatsimiinnermi siullermi, aamma allatigut periarfissaqartillugu, allaganngorlugu katinnikkut aappariit ilisimatissavai nalilersuisartup akissarsiassai qanoq naatsorsorneqartarnersut, aamma ajornangippat tamatumani ilisimatitsissutigineqassaaq aningaasartuutit qanoq annertugisinnaanerannut missiliut. Nalilersuisartup aamma paa-sitsissutigissavaa aningaasartuutissat allat ilimagineqarsinnaanersut su-usinnaanerat.

Paassisutissat il. il.

§ 22. Nalilersuisartup qularnaassavaa paassisutissat ataatsimut pigisat agguarnissaanni pisariaqartut qanoq innersut. Katinnikkut aappariit arlaata

kaammattorneqarnani paasissutissat nalunaarutiginngippagit, nalilersuisartup taakkua pisortanit namminersortuniillu pissarsiarisinnaavai, tassunga ilagitillugit sillimmasiisarfiit aamma aningaaseriviit, soraarnerussutisianik sullissiviit aamma realkreditinik sullissiviit pissarsiaqarfingineqarsin-naapput. Katinnikkut aappaasoq paasissutissat pissarsiarinissaannut akerliuppat, nalilersuisartup Kalaallit Nunaanni Eqqartuussivik noqqaavi-gissavaa suliammi aalajangeeqqullugu. Pisariaqarpal pinngitsaaliilluni periaatsit atussal-lugit nalilersuisartup Kalaallit Nunaanni Eqqartuussivik noqqaavigisinnaavaa suliammi aalajangiinissamut.

Imm. 2. Nalilersuisartup Kalaallit Nunaanni Eqqartuussivik noqqaavigisinaavaa katinnikkut aappaq imaluunniit kinaluunniit alla ataatsimigiaqullugu, Kalaallit Nunaannilu Eqqartuussivimmut suliamut tunngatillugu nassuaateqaqqullugu.

Imm. 3. Nalilersuisartup pisariaqartitsineq naapertorlugu pigisat nalillit namminerlu aningaasaatit nalilersissinnaavai. Tassunga katinnikkut aappaasoq periaatsimut isumaqataanngippat, nalilersuisartup Kalaallit Nunaanni Eqqartuussivik noqqaavigisinnaavaa aalajangeeqqullugu.

Imm. 4. Nalillersuisartoq suliamut paasisimasalimmik atuisinnaavoq. Katinnikkut aappaasup tamanna isumaqatiginngippagu, nalilersuisartup Kalaallit Nunaanni Eqqartuussivik noqqaavigisinnaavaa aalajangeeqqul-lugu.

Advokatissanngortitsineq

§ 23. Kalaallit Nunaanni Eqaartuussivik katinnikut aappaasumit noqqa-assuteqarneq tunngavigalugu imaluunniit nalilersuisartumit inner-suussut malillugu katinnikkut aappaasumut advokatissamik toqqa-sinnaavoq, ima-assimanngippat pineqartup advokatimit ikiorserneqarnera pigisat suliarinis-saannut napertuitinngitsoq. Advokatissamik toqqaaneq killilerneqarsin-naavoq suliamut aalajangersimasumut imaluunniit tiiminut aalajangersi-masunut.

Imm. 2. Katinnikkut aappaasup advokatissamik toqqaanermut aningaasartuutit naalagaaffiup karsianut taarsissavai, imaassimanngippat katinnikut aappaasup eqqartuussisutigoortitsiniini akuerisaanikkut aningaasartuutigissanngikkaa.

Pigisat suliarineranni pigisanut nalilinnut akiliigallarneq

§ 24. Nalilersuisartup sapinngisamik piaarnerpaamik paasinarsisisavaa, katinnikkut appariit arlaata imaluunniit tamarmik suliarinninnermi pigisanut nalilinnut akiliigallarniarnersut.

Pigisanik nalilinnik tunisineq

§ 25. Katinnikkut aappaariit pigisanik qularnaveeqqutitut sillimmasius-sineq kissaatiginngippassuk, nalilersuisartup isumagissavaa taakkua tu-nineqassasut katinnikkut aappaariit soqutigisaat pitsaanerpaakkut salliutil-lugit.

Imm. 2. Katinnikkut aappaariit arlaat tamatumunnga isumaqataanngippat, nalilersuisartup Kalaallit Nunaanni Eqqartuussivik noqqaaffigissavaa aala-jangeeqqullugu.

Imm. 3. Pigisanik akiitsukkanik pinngitsaaliisummik tuniniaaneq pis-saaq eqqaartuussisarneq pillugu inatsimmi malittarisat malillugit.

Siumoortumik akiliineq

§ 26. Nalilersuisartup katinnikkut aappaariit arlaannit noqqaassuteqarneq tunngavigalugu innersuussutigisinnaavaa, aappaa akiliigallassasoq, imaap-pat isumannaatsumik tunngaveqartoq katinnikkut apparit arlaata pigisat na-lillit nalilersornerisa naammaasinerannut atatillugu akimik piumasaqarnis-saa, aamma ilimanangippat pigisanik nalilersuineq naammasseqqajaasoq.

Imm. 2. Katinnikkut aappaasoq isumaqataanngippat, imaluunniit pinnn-gitisaliisummik naammassinninnej pisariaqassappat, naliler-suisartup Kalaallit Nunaanni Eqqartuussivik noqqaavigissavaa aalajangeeqqullugu.

Pigisat ilaannaannik naatsorsuineq

§ 27. Nalilersuisartoq missingiuusiorsinnaavoq pigisat ilai pillugit, ima-assimappat immikkut pisariaqartitsineqartoq tunngavissaqarluartoqar-torlu.

Imm. 2. §§ 28 aamma 29 aamma kapitali 4 atorneqassapput pisari-aqartutigut sakkukillinertaqartumik.

Pigisat naatsorsornerannut missingiut

§ 28. Nalilersuisartoq pigisat naatsorsuutaannik missingiummik sul-i-aqassaaq. Pigisat agguarneqarnissaannut missingiut imaqassaaq agguaassi-nissami ataatsimut pingaarutillit pissutsit tamat pillugit aammalu agguaas-sinissap piviusunngortinnissaanut pingaaruteqartut pillugit, tassunga ilagitillugit

1) pigisanik nalilersuinerup ingerlasimaneranik nassuaat,

- 2) katinnikkut aappariit tamarmik immikkut pigisaannik nalilinnik aamma aninngaasanik namminerisamik pigisanik, tassunga ilagitillugu taakkua nalilersortinneri, aamma isertitarisimasinnaasat anin-gaasartuutigisimasinnaasallu tassunga attuumassutilit,
- 3) piumasaqaatigisaasa nalunaarsornerat, tassunga ilagitillugit akis-sarsianut, akiliutigisimasanut taartinut, aamma taartisissutisiassanut pi-umasaqaatinik nalunaarsuinerit,
- 4) pigisat nalillit aamma nammineq aningaasaatit taakkununngalu pi-umasaqaatinik nalunaarsuinerit
- 5) nalilersuisartup akissarsiassaasa annertussusiannik innersuussut aamma
- 6) pigisanut aningaasartuutit agguarnerannut innersuussut, tak. § 42.

Imm. 2. Katinnikkut aappariit pigisat nalunaarsornerannut apeqqutit pingaarutilit pillugit isumaqtigiippata, isumaqtigiinneq taanna tunngav-i-qeqassaaq. Taamaanngippat pigisanik nalilersuisartup nammineq na-lilfersuutini tunngavigissavai.

Imm. 3. Nalunaarsuineq ataatsimut pigisanuinnaq tunngappat, tamanna nalunaarsuinermi ersersinneqassaaq.

Katinnikkut aappariinnut saqqummiussineq

§ 29. Nalilersuisartup isumannaatsumik periaaseqarluni pigisat nalilin-nik nalunaarsuummut missingiut § 28 malillugu Kalaallit Nunaanni Eqqartuussivimmut aamma katinnikut aapparinnut saqqummiutissavaa.

Imm. 2. Katinnikut aappariit tamarmik immikkut pigisat nalunaarsuutaannut missingiutip tiguneraniit sapaatip akunnerinik 6-inik periari-fissaqarlutik Kalaallit Nunaanni Eqqartuussivimmut missingiummut akerli-unertik allaganngorlugu nalunaarsinnaavaat, tassunga ilanngullugit na-lilfersuisup akissarsiassamisut aamma pigisanik agguassinermut innersus-stitut missilngiutai.

Pigisanik nalunaarsuineq agguassinerlu unitsitaq

§ 30. Nalilersuisartup suliani, pigisat nalinginik nalunaarsuineq § 28-mi piumasaqaatit naammassillugit naammassisinnagu, naammassisinnaas-sap-pagu, nalilersuisartoq missingiuusiussaaq annertunerpaartamigut katin-nik-ku aappaariit naamminneq nalunarsuummik nammassinssinnaan-ngortil-lugit.

Imm. 2. Nalilersuisartup Kalaallit Nunaanni Eqqartuussivik paasissutissavaa suliaq pigisanik nalunaarsuutip naammassinginnerani inaardeqarsi-mansoq, innersuutigalugillu akissarsiassami annertussusissaa aamma pigisanut aningasartuutit agguartaarneqarnerat.

Imm. 3. Katinnikut appariit tamarmiullutik immikkut nalunaarsuutip tigeneraniit sapaatip akunnerinik 6-inik periarfissaqarput nalilersuisartup akissarsiassai aamma pigisanut aningasartuutit agguartaarneqarnerannut innersuussutaanut allaganngorlugu akerliunertik nalunaarutigissallugu.

Kapitali 4

Pigisat nalunaarsornerannik suliarinninneq

Missingiummut akerliliissutit

§ 31. Kalaallit Nunaata Eqqartuussiviata piffissaq eqqorlugu nalilersuisartup akissarsiassanut aamma pigisat agguataarneqarnerannut aningaasartutinut akerliliissut tigusimappagu, tak. § 29, imm. 2, aamma § 30, imm. 3, Kalaallit Nunaannut Eqqartuussivik aalajangiissaaq, tak. §§ 40 aamma 42.

Imm. 2. Kalaallit Nunaata Eqqartuussiviata allatigut piffissaq eqqorlugu pigisat nalunaarsornerannut missingiut tigusimappagu, tak. § 29, imm. 2, Kalaallit Nunaata Eqqartuuussiviata kukkunerit, akerliliissummut aallaavisut, naqqissinnaavai, imaassimanngippat inatsiseqarnermi pissutsit tunngavissaqartumik qulalersitsisut, imaluunniit nalilersuisartoq tamatu-munnga tunngasumik noqqaavigalugu.

Imm. 3. Kalaallit Nunaani Eqqartuussiviup qaqtiguinnaq akerliliissut, piffissalliissutip qaangiutereernerani tiguneqarsimasoq, suliarisinnaavaa, kisianni pigisanik nalunaarsuinerup aalajangersarneqarnera sioqqullugu.

Suliassannngortitsinermut piffissaliussaq

§ 32. Piffissaq eqqorlugu pigisat agguataarneqarnerannut § 31, imm. 2 malillugu akerliissummik tigusinermi naqqiisummik kinguneqanngippat, Kalaallit Nunaanni Eqqartuussiviup katinnikkut appariit nalunaarfigissavai eqqartuussiviup nalunaarutaata tiguneqarnerata kingorna kingusinner-paamik sapaatip akunnerinik 6-it qaangiutsinnagit suliassannngortitsineqas-sasoq § 2, imm. 1 malillugu, akerliliissut aalajangiusimaneqarpat.

Imm. 2. § 31, imm. 3 assinganik atuuppoq.

Nalilersuisartup akissarsiassaanik allannguineq

§ 33. Kalaallit Nunaanni Eqqartuussiviup nalilersuisartup akissarsiai al-lannguiffigisinnaavai, akissarsiassat naleqqutinngitsumik annertussuse-qartutut nalilerneqarpata.

Kinguartitsineq aamma ilaannaatigut aalajangersaaneq

§ 34. Kalaallit Nunaanni Eqqartuussiviup pigisat nalunaarsornerinut nalilersuisup missingiutaanut isummerfiginninnissani kinguartissavaa isumaqtigiinngisummik ataatsimik uteqattaartoqarpat § 2, imm. 1 malillugu.

Imm. 2. Kalaallit Nunaanni Eqqartuussiviup aalajangersassavai pigisat agguarnerisa ilaat, akerliuffigineqarsimanngitsut, tamanna nangaanarto-qartinneqanngippat. Kalaallit Nunaanni Eqqartuussiviup aalajangersaa-nermini piumasarisinnaavaa, qularnaarneqassasut katinnikkut aappariit aappaata pigisat naggataasumik nalunaarsorneqarneranni piumasarisin-naasai. § 36, imm. 2 assinganik atuuppoq.

Missingiummut naqqiissutit

§ 35. Akerliliissutit saqqumiunneqartut inaarutaasumik aalajangii-vigineqareerpata, Kalaallit Nunaanni Eqqartuussiviup pisariaqarpata pigisat nalunaarsornerannut missingiummi naqqiutit suliarissavai imaluunniit nalilersuisartoq noqqaavigalugu pigisat suliarinerat suliareqqeqqullugu.

Aalajangersaaneq

§ 36. Kalaallit Nunaanni Eqaartuussiviup suliamik ingerlatsinini inaas-savaa pigisanik nalunaarsuineq aalajangersarlugu. Pigisanik nalunaar-suut aalajangersagaq pinngitsaaliisummik naammassisinnejassaaq eqqartuus-sisarneq pillugu inatsimmi eqqartuussutini pinngitsaaliisummik nammassinnejeq pillugu malittarisassat naapertorlugit.

Kapitali 5

Aningaasartuutit

Pigisanut aningaasartuutinut qularnaveeqquisiineq

§ 37. Pineqartoq pigisanik nalilersuisartumut innersuussuteqarnissamut noqqaassuteqarsimasoq Kalaallit Nunaanni Eqqartuussiviup aalajangerne-ratigut pigisat suliarinerannut qularnaveeqquisiisuussaaq.

Imm. 2. Kalaallit Nunaanni Eqqartuussivik tamakkiisumik ilaannakort-umilluunniit qularnaveeqquisiinngitsisisinnaavoq, katinnikkut aappaasoq qularnaveeqquisiinngippat. Piumasaqaataavoq missingerneqas-sasoq taas-suma pigisanit pisassanik piumasaqaataa aningaasartuutissanut matussutis-satut naammannersoq.

Imm. 3. Qularnaveeqquut piumasarineqartoq tunniunneqanngippat, Kalaallit Nunaanni Eqqaartuussiviup suliaq itigartissavaa.

Qularnaveeqquisiisummik qaffaaneq

§ 38. Nalilersuisartup Kalaallit Nunaanni Eqqartuussivik ilisimatitsis-saaq qularnaveeqquisiisummik qaffaanissaq pisariaqartinneqarpat, tak. § 37.

Suliap ingerlannerani alloriarnermik qularnaarineq

§ 39. Kalaallit Nunaanni Eqqartuussiviup aalajangersinnaavaa katin-nikkut appariit arlaat, suliap ingerlannerani noqqaassutigisaminut tunngasunut aningaasartuutinut qularnaarisuussasoq.

Imm. 2. Qularnaveeqquisiineqanngippat noqqaassut maanngaannartutut isigineqassaaq.

Pigisanik nalilersuisup akissarsiassai

§ 40. Nalilersuisartoq suliaminut akissarsianik tulluutinngitsutut naliler-neqartunik qaffasissusilinnik piumasaqaateqarsinnaanngilaq.

Imm. 2. Katinnikkut appariinni aappaasoq nammineq aningaasar-tuu-tiginagu eqqartuussivikkut suliaqartitsippat, katinnikkut aappaasup nalilersuisartup akissarsiaanut tunngatillugu annertunerpaamik tiimit amerlas-susissaattut Naalagaaffiup Sinniisuata aalajangigai malissavai. Eqqartuus-sisarneq pillugu inatsimmi § 261, imm. 3, 1. imm. assinganik atuuppoq.

Akissarsiati siumuukkat

§ 41. Nalilersuisartumut akissarsiati siumoortlugit akiliutigineqarsin-naa-pput Kalaallit Nunaanni Eqqartuussiviup akuersineratigut, tunngavissat im-mikkut ittut, taakkununnga ilagitillugit pigisat qanoq issusiat imaluunnit suliarinninnerup sivisussusia naapertorlugu.

Pigisanut aningasartuutit agguataarneqarnerat

§ 42. Pigisanut aningasartuutit, tassunga ilagitillugit akissarsiat, katin-nikkut aappariit akornanni naligiimmik agguartaarneqassapput. Katin-nikkut aappaasoq illersorneqarsinnaannngitsumik pissuseqarluni aningasartuutit annersaat tunniussimappagit, Kalaallit Nunaanni Eqqartuussiviup pineqartoq pisussaatissavaa aningasartuutinut annerusunut isumaginnit-tussatut.

Advokatimut aningasartuutit

§ 43. Kalaallit Nunaanni Eqqartuussiviup noqqaassuteqartoqarneratigut katinnikkut aappaasoq peqqusinnavaa katinnikkut aappaasup advokatimit ikiorserneqarneranut aningasartuutinut taarsiinissamik, immikkut ittumik tunngaviusunut tamanna naapertuuppat. Eqqartuussisaatsimi inatsisit kapitali 16-imiittut naapertorlugit eqqartuussinermi nammineq sinnerluni pisin-naatitap najuussinnaanera uani aamma atuuppoq.

Akiliisussatut pisussaaneq

§ 44. Katinnikkut aappaasoq, katinnikkut aappaarisaaanut naalagaaffiup karsiata piumasaqaataanut tunngatillugu pigisanik nalunaarsuinermut ag-guaassinermullu tunngasuni tapiissutinut akiliisussaavoq.

Imm 2. Katinnikkut aappasumut aningasatigut naliusoq naapertorlugu ilanngaatigineqarsinnaapput katinnikkut aappami pillaatitut akiligassai uninngatiinnarsimasaalu.

Kapitali 6

Pigisanik nalilersuisartunut malittarisassat

Nalilersuisartutut akuerisaaneq aamma suliarinninneq

§ 45. Justitministerip pigisanik suliarinnittartut akuerisassavai advokatit naleqquttumik amerlassusillit, katinnikkut aappariit pigisaannik kingornussassanilluunniit il. il. nalunaarsuinermik agguaassinermillu suliami pisusaasut.

Imm. 2. Justitsministerip nalilersuisartut akuerineqarnissaannut malittarisassat aalajangersarsinnaavai, tassunga ilagitillugit piffissami killilikamiakuersissutit, taakkua sulinerannut akissarsiaannullu aamma eqqartuussiviup nakkutilliineranut malittarisassat. Najoqquassani, 1. imm. malillugu

suliarineqartussani pineqaatissiineq aalajangersarneqarsinnaavoq najoqqu-tassanik unioqqutitsinermi akiliisitaanikkut. Ingerlatsiviit il. il. (inatsisitigut pisinnaatitaasunut pisussaatitaasunullu) pinerluttulerinermi inatsimmi kapi-tali 5-imni malittarisassat naapertorlugit naalakkiussinermut akisussaatin-neqarsinnaapput.

Attuumavallaarnikkut akooqqusaannginnej

§ 46. Nalilersuisartutut suliaqaqusaanngillat pineqartut arlaannut attuumassuteqarpallaarunik imaluunniit pineqartumut tunaartaqarpallaarunik, imaluunniit pineqartup suliap inernerani soqutigisaanut imaluunniit tunngavissani allani pineqartumut nakerisarsunnginnissaanut qularutigine-qarsinnaagunik.

Imm. 2. Nalilersuisartoq pigisanik pigisanik nalillit ilaannik pissarseq-qusaanngilaq. Taamaapportaaq nalilersuisartumut attuumavaallaartoq imaluunnniit taassuma ingerlatsiviani atorfeqartoq.

Pigisanik nalilersuisartumik nakkutiginninnej

§ 47. Kalaallit Nunaanni Eqqartuussiviup pigisanik nalilersuisartoq noqqaavigisinnaavaa pigisanik nalunaarsuinerup ingerlanneranut pillugu paasissutisseeqqullugu. Pissutsit pisariaqartippassuk, Kalaallit Nunaanni Eqqartuussiviup peqqusinnaavaa pigisanik nalilersuinerup ingerlannerani nalunaarutinik tunnusseqqullugu aamma pigisat suliarinerat siuarsarni-ar-lugu pisariaqartumik iliuuseqaaqqullugu.

Imm. 2. Pigisanik nalilersuisartup suliaq tiguneraniit ukiup 1-ip kingorna naammassisimanngippagu, pigisanik nalilersuisartup Kalaallit Nunaanni Eqqartuussivik paasissutissavaa pigisanik nalunaarsuinerup ingerlan-nera pillugu aamma suliaq qaqgu naammassineqarumaarneranut tunnga-tillugu.

Toqqagaanermik utertitsineq

§ 48. Pigisanik nalunaarsuisartup suliaminik aallussinera illersorneqar-sinnaanngippat, Kalaallit Nunaanni Eqqartuussiviup toqqaasimaneq utertis-savaa nalunaarsuisartumillu nutaamik toqqaalluni.

Pigisanik nalunaarsuisartut pillugit maalaaruteqarneq

§ 49. Pigisanik nalunaarsuisartup suliarinninneranik maalaarut, tassunga ilagitillugu taassuma suliarinninneq naammattumik siuarsanngikkaa, Kalaallit Nunaanni Eqqartuussivimmuit allakkatigut nalunaarutigine-qassaaq, tasani tamatumunnga tunngasumik aalajangiisoqassammat.

Kapitali 7

Ataatsimut pigisat agguardeqarnissaat pillugu malittarisassat

Nalunaarsuinermut tunngaviusoq

§ 50. Ataatsimut pigisani pigisanik nalunaarsuinermut tunngaviupput pigisat nalillit aamma aningasat namminerisat atuukkunnaarfimmi pigisnut ilaasut, tak. § 51

Pigisat ataatsimoorunnerata atorunnaarnera (ulloq atorunnaarfiusoq)

§ 51. Averusernermi avivinnermilu pisuussutit ataatsimoorussat atorunnaartarpuit ullormi unnuanngorneraniit averusernissamik imaluunniit avivinnissamik Naalagaaffiup Sinniisuanut imaluunniit kredsretimut noqqaasutip tunniunneqarfianiit.

Imm. 2. Pigisat immikkulerneratigut pisuussutinik ataatsimoorussineq atorunnaartarpoq ullormi unnuanngorneraniit pigisat immikkulernis-saanik qinnuteqaatip kredsretimut tunniunneqarfianiit.

Imm. 3. Katinnikkut appariinnerup atorunnaarnerani pisuussutinik ataatsimoorussineq atorunnaartarpoq ullormi unnuanngoneroniit atorunnaarsitsinermik suliap suliassanngortinneqarfiani.

Imm. 4. Katinnikkut appariit pigisat kingornussassallu nalunaarsorneqarneranni agguaanneqarnerannilu isumaqatigiissutigisinnavaat pisuussutinik ataatsimoorussineq isigineqassanersoq atorunnaartutut piffissami imm. 1-imiit 3-mut malinnejartumit allaanerussanersoq.

Imm. 5. Pissutsit piviusut immikkut ittut atuuppata, Kalaallit Nunaanni Eqqartuussiviup nalilersuisartumit innersuussut malillugu aalajangersinnaavaa pisuussutinik ataatsimoorussineq atorunnaassasoq piffissami imm. 1-imiit 3-mut allaanerusumi.

Piffissaq nalilersuiffiusoq

§ 52. Pigisat nalillit aamma aningasat namminerisat pigisat agguar-neqarneranni piffissami qularnaveeqqutitut sillimmasiussinermi ilaapput imaluunniit pigisanik kingornussassanillunniit nalunaarsuinerup agguaas-sinerullu inaernerani ilaapput, qularnaveeqqutitut sillimmasiussineq pisimanngippat tamanna sioqqullugu.

Ataatsimoorullugit pigisanik naatsorsuineq

§ 53. Katinnikkut aappariit tamarmik immikkut pigisaat naatsor-sorneqassapput. Katinnikkut aappaasoq aamma immikkut pigisaqarpat, taakkua pigisanik kingornussassanillunniit nalunaarsuinermut agguaassi-nermullu ilanngutissapput, tamanna pisariaqarpat, aappariinnermi inatsi-si-tigut kingunerisassat pillugit inatsisip Kalaallit Nunaannut atortuu-lernera-nik inatsit nr. 150 martsip 31-anni 1993-imeersumi § 67 malillugu imaluun-niit § 23 malillugu.

Imm. 2. Pigisat immikkortuisa naatsorsorneranni piumasaqaatit ilann-gullugit naatsorsorneqassangillat, aappariilertarneq aappariigunnaar-tar-nerlu pillugit inatsisip Kalaallit Nunaannut atortuulersinnejarnissaanik peqqussut nr. 307-ikkut maajip 14-ianni 1993-imeersumi § 67 imaluunniit § 24 malillugit. Akilersuutinik akilerfissaat qaangiutereersunik akiliinissa-mut piumasaqaatit katinnikkut aappariit pigisaattut naatsorsuunneqas-sanngillat.

Pigisanik kingornussassanillunniit nalunaarsuinerup agguaassinerullu nal-aani atuisinnaaneq

§ 54. Katinnikkut aappariit pigisanik kingornussassanillunniit nalunaar-suinerup agguaassinerullu nalaani tigummissavaat namminneq pigisatik na-lillit.

Imm. 2. Kalaallit Nunaanni Eqqartuussiviup katinnikkut aapparisaq arsaarsinnavaa pigisanik nalilinnik, tamakkiisumik ilaannakortumilluunniit ataatsimut pigisaasunik, aarlerinarpat katinnikkut aapparisaq assuar-nartumik aapparisaminut ajoqsiiniaratarsinnaasoq.

Imm. 3. Kalaallit Nunaanni Eqqartuussiviup katinnikkut aapparisaq atu-isinnaanermik arsaarpagu, Kalaallit Nunaanni Eqqartuussiviup aalaja-ngis-savaa, pigisat nalillit atuisinnaanermik arsaarinninnerup nalaani qanoq suli-arineqassanersut.

Imm. 4. Eqqartuussivimmit atuisinnaanermik arsaarinninnerit pigisanut aalaakkaasunut, pigisanullu nuunneqarsinnaasunut qularnaveeqqutaanngitsunut pisinnaatitaanerit nalunaarsorneqarnissaannut Kalaallit Nunaannut malittarisassaq juunip 20-anni 1968-imeersumi malittarisassat malillugit nalunaarneqassapput.

Akiitsut

§ 55. Pigisanik kingornussanilluunniit nalunaarsuinerup agguaassi-nerullu annikillisippaa pissarsiassanik pigisallit pisinnaatitaaffimminnik malinninnissaat pigisanik kingornussanilluunnit nalunaarsuinerup aggu-aasinerullu pisimanngineraninngarnit.

§ 56. Akiitsukkanik peqarpat katinnikkut aappariit akiliisussatut pisusaaffigisaannik, taakkua tamarmik immikkut piumasarisinnaavaat aappaasup akiitsut ilaat akilissagai, inaarutaasumik nammatassamisut, imaluunniit akiliinissamut qularnaarinikkut.

§ 57. Katinnikkut aappariit arlaat katinnikkut aapparisaminut piumasaqarpat § 53, imm. 2-mi pineqartunik, katinnikkut aapparisap pigisanik kingornussanillunnit nalunaarsuinermi agguaassinermilu puma-sarisinnaavaa pigisani katinnikkut aappami pissaanit matussuserneqas-sasut.

Naligiimmik agguaaneq

§ 58. § 53 malillugu katinnikkut aapparisap pisassaani naatsorsuinerup takutippagu sinneqartoorteqartoq, taanna sinneqartoort naligiimmik katinnikkut aappariinnit avinneqassaaq, imaassimanngippat inatsimmi tamatumani allatut kinguneqartoq imaluunniit katinnikkut aappariilersarneq pillugu inatsimmi malittarisassat malinneqartut.

Imm. 2. Katinnikkut aappaasup pissarsiassaminik siumoorutinik katinnikkut aapparisap pigisaanik tigusisarnermini akiitsuinut akisussaa-suunngilaq. Katinnikkut aappaasoq tigusaminik pisassaqartuusumut utertit-sinissamut pisussaaffeqarpat, akiliisinnaajunnaartarneq pillugu inatsimmi atorunnaarsitsisarnermut malittarisassat malillugit aalajangiineqassaaq.

Nammineq atugassanut atortut

§ 59. Katinnikkut aappariit tamarmik immikkut pisinnaatitaapput atortut ilaannik tigusissallutik, taamaallaat taassuma nammineq atugassaanik, nalingat katinnikkut aappariit ataatsimoorullug pisuussuteqarnerannut tamanna innarliinngippat.

Imm. 2. Atortut meeqqat atugassaattut pissarsiarineqarsimasut katinnikkut aappaasumit qitorinanit najugaqarfigineqaartumit siumoortumik tiguneqarsinnaapput.

Katinnikkut appariinnerup atorunnaarsitsineq

§ 60. Katinnikkut aappariinnerup atorunnaarsineqarnerani katinnikkut aappariit tamarmik immikkut siusinaarlutik ataatsimut pigisanik tigusisinnapput, katinnikkut aappariilernermi pissarsiarisimasaminnik imaluunniit kingusinnerusukkut kingornussinikkut tunissutitullunniit pissarsiarisimasaminnik, immikkut pigisanit ataatsimut pigisanut nuussimasaminnik. Ataatsimut pisuussutit amigarpata annikillilerisoqassaaq.

Katinnikkut appariinneq sivikitsaq

§ 61. Katinnikkut apparisap ataatsimut pigisat annertunerpaartaat, § 60-imi allaqqaneratuut, nammineq pissarsiarisimappagit, naligiimmik aguaaneq malunnartumik naleqquttuussanngilaq, pingartumik pissutigalugu katinnikkut appariinneq sivikitsuusimammat aamma aningasatigut ataatsimoorussineq pingaaruteqarani, averusernermik, avivinnermik imaluunniit pigisanik immikkoortiterinermik noqaassuteqarnikkut aalajangiuneqarsinnaavoq, pigisanik kingornussanillu nalunaarsuinermi agguas-sinermilu pigisanik agguaassineqassasooq § 60 malillugu tungavissaqarpat.

Pigisat il. il.

§ 62. Katinnikkut aappaasup pigisani namminermut tuttussani pisattanik aamma pisattanik nuunneqarsinnaasunik angerlarsimaffiup atatiinnarnisaanut pisariaqartunik, pineqartorlu taamatut pissarsisinnaanngippat, noqqaasoqarneratigut aalajangerneqassaaq pigisat annerusut katinnikkut aappaasumut pineqartumut inissinneqassasut.

Naliliinerup kingorna pigisanut akiliussigallarneq

§ 63. Pigisat agguerneranni katinnikkut aappariit tamarmik immikkut pisinnaatitaapput pigisat immikkoortui qularnaveeqqutitut nalilersinneqarnissaannut.

Imm. 2. Katinnikkut aapparit pigisaq qularnaveeqqusiussimappassuk, katinnikkut aappaasoq pigisamik piginnittoq salliusussaavoq. Tamatumali kingorna immikkut pisut makkua atuupput:

- 1) Illuutigisaq taamaallaat imaluunniit annerusumik ilaqtariit najegasaattut naatsorsuussaqq, katinnikkut aapparisamut qularnaveeqqutigineqarsinnaavoq, najugaq taanna naatsorsuutigineqarpat angerlarsimaffik attatiinnarniarlugu katinnikut aappaasumut taassumunnga pingaaruteqarnerpaajusoq.
- 2) Illuutigisaq ilaqtariinnut aasarsiortarfittut atorsimasaq katinnikkut aapparisamut qularnaveeqqutigineqarsinnaavoq, aasarsiortarfik naatsorsuutigineqarpat taassumunnga pingaaruteqarnerpaajusoq.
- 3) Inuussutissarsiutitut ingerlatsivik katinnikkut aapparisamut qularnaveeqqutigineqarsinnaavoq, ingerlatsivik taassuminngaannavik imaluunniit annertunerpaamik tassumannga ingerlanneqarpat.
- 4) Sulinermut sakkut allallu inuussutissarsiummi nuunneqarsinnaasut katinnikkut aapparisamut qularnaveeqqutigineqarsinnaapput, pineqartoq inuussutissarsiutiminik ingerlatsisinnaaqquullugu.
- 5) Pequtit nuunneqarsinnaasullu allat ataatsimut angerlarsimaffimmut atasimasut, katinnikkut aapparisamut qularnaveeqqutigineqarsinnaapput, najugarisap attatiinnarneqarnissaa pillugu imaluunniit pigisat pingaaruteqartumik pineqartup pisariaqartitarisimappagit.

Imm. 3. Imm. 1 aamma 2 malillugit qularnaveeqqusiineqanngippat pigisat arsaarinnissutigineqassapput, tak. § 25.

Pigisanit pisassanik qularnaveeqqusiineq

§ 64. Pigisanik nalilinnik qularnaveeqqusiineq pisinnaavoq naak katinnikkut aapparisap pigisaasa nalinginut qaangiigaluarpalluunniit. Aningaasat sinneruttut aningaasanngorlugit katinnikkut aapparisamut akilerneqas-sapput. Kalaallit Nunaanni Eqqartuussiviup pisuni immikkut ittuni naafferartumik akilersuineq pitissinnaavaa tamatumunngalu piumasarisat aala-jangersarlugit.

Kapitali 8

Kingornussanik nammineerluni agguaanermi ikorsiineq

§ 65. Katinnikkut aappaasup ataatsimoorullugit pigisanit imaluunniit immikkut pigisanit pigisanik nalilinnik pigisaqaqtiginnermit kingornussanik nammineerluni agguassinerminut atatillugu Kalaallit Nunaanni Eqqartuussivimmit suliap paasisimasassartaat pillugit ikorseqqusinnaavoq, tassunga ilagitillugit

- 1) illuatungerisaq aamma kinaluunniit ataatsimeeqatiginissaanik peqquullugu aamma Kalaallit Nunaanni Eqaaartuussivimmut nas-suaateqaqqullugu allakkianillu saqqummiusseqquullugu aamma
- 2) suliamik paasisimasalik avammut nalunaaruteqaqqullugu naliliinis-samik, tak. §§ 74-imii 77-imut.

Imm. 2. Kalaallit Nunaanni Eqqartuussiviup imm. 1, nr. 1 malillugu noq-qaassut itigartissinnaavaa, ikorsiinissaq ima annertutigippat imaluun-niit ima pissuseqarpat pigisanut tunngasoq suliarineqartariaqartut § 1 malillugu.

§ 66. Isumaqtigiangissutinut ataasiakkaanut, katinnikkut aappariit ataatsimorussamik pigisaannik kingornussanik naammineerluni agguaas-siner-mut imaluunniit immikkut pigisanik nalilinnik pigisaqaqtiginnermut tunngasut, tak. § 2, imm. 1, siusinnerpaamik suliareqqinnejarsinnaapput Kalaallit Nunaanni Naalagaaffiup Sinniisuanut imaluunniit kredsretimut averusernissamik imaluunniit avivinnissamik noqqaassumik tuniussiso-qareerpat, pigisat immikkortinnissaannik peqqussut nalunaarutigineqareer-pat imaluunnit katinnikkut aapparinnerup atorunnaarsinnissaanut suliaq aallar-tereerpat.

Imm. 2. Kalaalit Nunaanni Eqqartuussiviup isumaqtigiangissummut suliaq ataaseq itigartissinnaavaa, annertussutsimigut pissutsimigullu pigisanik kingornussanillunniit nalunaarsuinermi agguassinermilu § 1 malillugu suliarisariaappat.

Kaptali 9

Immikkut pigisanik taarsiissutisineq

§ 67. Katinnikkut aappaasoq immikkut pigisanik peqarsimaguni, pisin-naavoq katinnikkut aappariittut pisuussutimi pissusii, katinnikkut aappari-innerup sivisussusia aamma pissutsit allatigut immikkut taper-taappata, katinnikkut aapparisap aalajangiullugit oqaatigisai malillugit aalajangersaa-neqarsinnaavoq, katinnikkut aappaasoq aapparminut akili-ummik tunnius-saqassasoq, qularnaarniarlugu aappaasoq averusernerup imaluunniit avivin-

nerup kingorna aningasaqarnikkut tulluanngitsumik appasisumik inis-sinnginnissaa. Malittarisaq taanna atussaaq aamma pisinaatitaaffinnut nun-neqarsinnaanngitsunut imaluunniit allatigut inuttut tunngassuteqanngitsuni, aamma pigisanik agguaanermut tunngassuteqan-ngitsuni.

Imm. 2. Imm. 1 malillugu piumasaqaatit siusinnerpaamik suliarineqarsinnaapput, Kalaallit Nunaanni Naalagaaffiup Siniisuanut kredsretimul-lunnit averusernissamik avivinnissamilluunnit noqqaassummik tunniussiso-qareerpat.

Imm. 3. Imm. 1 malillugu piumasaqaat atuutsinnejqarsinnaanngilaq, katinnikkut appariit ataatsimut pigisaannik imaluunniit immikkut nalilinnik pigisanik kingornussanillunniit nalunaarsuineq agguassinerlu inaerneqar-simanngippat pigisat nalunaarsuutaannik aalajangersaanikkut, taamaattoq tak. § 78.

Kapitali 10

Sulianik ingerlatsinermut malittarisassat

Tamanut ammasuuneq

§ 68. Inatsit manna malillugu eqqartuussinerit matoqqasumik ingerlan-neqartarput.

Imm. 2. Eqqartuussutip inerneranik aalajangikkanillu ammasumik oqaatiginninnermi inuit aalajangiinermi pineqartut aqqinik, atorfiinik imaluunniit najugaannik tamanut nalunaarutiginnitqassangilaq, ima-luunniit pineqartup kinaassusianik nalunaaruteqartoqassanani. Inerteq-qummik taaneqartumik unioqqutitsineq eqqartuussinikkut pineqaatis-siissutigi-neqassaaq Kalaallit Nunaanni pinerluttulerinermi inatsit malillugu. Inger-latseqatigiiffiit il. il. (inatsisitigut pisinnatitaasut pisussaatitaasullu) peqquneqarput pinerluttulerinermi inatsisitigut pinerluttulerinermi inatsisip kapitali 5-iani malittarisassanik akisussaasuunissamut.

Nalunaarasuartaatikkut attaveqarnikkut ataatsimiinermut peqataaneq

§ 69. Kalaallit Nunaani Eqqartuussiviup akuerisinnaavaa peqataasoq imaluunniit eqqartuussinermi nammineq sinnerluni pisinnaatitaq eqqartuussinermi nalunaarasuartaatikkut attaveqarnikkut najuutissasoq, imaassi-manngippat taamatut najuussinnaaneq naleqqutinngitsoq.

Digitalimik attaveqaqatigiinneq

§ 70. Allassimanissamik imaluunniit atsiornissamik piumasaqaatit akornutaassanngillat Kalaallit Nunaani Eqqartuussivimmut nalunaarutit digitalimik attaveqaqatigiinnikkut nassiunneqarpata. Nalunaarut digitalimik atsiornermik pilersugaassaaq.

Imm. 2. Eqqartuussivinnut pisortaqarfiup Kalaallit Nunaanni Eqqartuussivimmut digitalimik attaveqaqatigiinnermut malittarisassat erseqqin-ne-rusut aalajangersarsinnaavai, tassunga ilanngullugu digitalimik atsior-ner-mik atuineq.

Imm. 3. Digitalimik nalunaarut isigineqarsinnaavoq saqqumersimasutut, Kalaallit Nunaanni Eqqartuussivimmi takuneqarsinnaalersinnaaguni.

Imm. 4. Digitalimik nalunaarut digitalimik atsiornermik pilersugaan-ningippat imaluunniit allanik kukkunertaqarpat eqqartuussiviup suliamik su-liarinnineranut naleqqutinngitsunik, Kalaallit Nunaanni Eqqartussiviup nalunaarut itigartissinnaavaa imaluunniit kukkussutip iluarsinissaanut pif-fissaliussamik aalajangersaasinnaavoq. Noqqaassuteqarnikkut aalaja-nger-nermi tunngaveqartumik itigarttsisoqarsinnaavoq.

§ 71. Kalaallit Nunaanni Eqqartuussiviup eqqartuussivimmit nalunaarutinut digitalimik attaveqaqatigiissut atorsinnaavaat, tigisisussaq taamatut iliorluni nalunarutinik tigisisinnaalluni akuersippat. Akuersineq tunngatinneqarsinnaavoq suliamut ataatsimut imaluunniit arlariinnut. Nalunaarutit paasissutissanik allanut oqaatigeqquaanngitsunik imallit paassium-naallisinneqassapput imaluunniit allatigut naammaginartumik isuman-narunnaarsinneqassallutik.

Pinngitsaaliliunni iliutsit

§ 72. Kalaalit Nunaanni Eqqartuussiviup noqqaassuteqarneratigut pineqartoq ataatsimiinissamut peqataaqqullugu peqqusinnaavaa, saqqum-miusseqquallugu eqqartuussisarneq pillugu inatsimmi ilisimannittut pisus-saaffii malillugit aamma pingajuusumut aaqqissuisuunissamut piumasaqaat malillugu.

Pigisanik nalilinnik atuisinnaaneq

§ 73. Kalaallit Nunaanni Eqqartuussiviup noqqaassuteqarnikkut pigisanik nalilersuisartoq periarfississinnaavaa pigisat nalillit, pineqartumit

tigummineqartut misissussagai imaluunnnit paasisimasaqartutut nalilis-sagai. Eqqartuussisarneq pillugu inatsimmi §§ 632-miit 633-mut assinganik atorneqassapput.

Paasisimasaalittut naliliineq

§ 74. Kalaallit Nunaanni Eqqartuussiviup noqqaassuteqarnikkut aalajangersinnaavaa, pigisat nalillit namminerluunniit aningaasaatit pigisaniittut niuffatigissagaanni naligisassaat ilisimasalimmut naatsorsortissallugit.

Imm. 2. Kalaallit Nunaanni Eqqartuussiviup noqqaassuteqarnikkut nalunaarutigissavaa, ilisimasalik ataaseq arlallilluunniit naliliisinneqar-nissaat.

Imm. 3. Kalaallit Nunaanni Eqqartuussisivik noqqaassuteqarnikkut ataatsimiinnermut aggersaasinnaavoq ilisimasallip naliliinermut apeqqu-tinut akissuteqartinniarlugu.

§ 75. Kalaallt Nunaanni Eqqartuussivik qularnaveeqquitut sillimasiussinermut atugassat pillugit imaluunniit pigisat inaarnissaannut atugassat pillugit noqqaassuteqarnikkut, ilisimasalimmit ataatsimit arlalinnilluunniit nalunaarummik pissarsisinnaavoq, pigisat nalillit imaluunnit nammimeq aningaasaatit siornatigut naliliinermi niuffatigissagaanni nalingi qanoq nikingatigneri pineqartillugit.

§ 76. Kalaallit Nunaanni Eqqartuussivik noqqaassuteqarnikkut aalajangiisinnaavoq nutaamik naliliineqassasoq, imaassimappat

- 1) naliliinerup suliarinerani kukkusqarsimasoq nalillineremi inerne-rusumut sunniuteqartumik,
- 2) naliliineq allatigut ernumananngitsumik ingerlanneqarsimanngitsoq imaluunniit
- 3) pigisat nalillit aamma nammimeq aningaasaatit niuffatigissagaanni nalilersuinermi inernerusumit pingaarutilimmik nalimikkut nikingasutut isumaqarfingineqartut.

§ 77. Kalaallit Nunaanni Eqqartuussiviup piumasarisinnaavaa nalunaarutigalugu aningaasartuutinut qularnaveeqquisisoqarnissaa.

Imm. 2. Kalaallit Nunaanni Eqqartussiviup pisariaqarpat ilisimasa-limmut akiliutissat aalajangersartissavai.

Suliareqqitassanngortitsineq

§ 78. Kalaallit Nunaanni Eqqartuussiviup noqqaassuteqarnikkut pigisat pigisanik nalunaarsuinikkut aalajangersareri inaarsimasut suliareqqitas-sanngortissinnaavai, pisariaqarsorineqarpat, pingaartumik pissutigalugit

- 1) pigisat nalillit aamma nammineq aningasaatit allat saqqummer-simammata,
- 2) annertuitigut pigisat suliarineqarneranni kukkussuteqartoqarsi-mamat imaluunniit
- 3) allatigut pigisat suliarineqarneranni paaasissutissanik nutaanik peqarmat annertuumik pingaarutilinnik.

Aalajangeqqitassanngortitsineq

§ 79. Aalajangikkat Kalaallit Nunaanni Eqqartuussiviup aalajangersagai aalajangeqqitassanngortinneqarsinnaapput saqitsaannermi aalajangeqqitas-sanngortitsinermut inatsisit kapitali 43-miittut naapertorlugit

Kapitali 11

Nunani allani aalajangikkanik akuersineq naammassinninnerlu

§ 80. Justitsministerip aalajangersarsinnaavai aalajangersakkat, taakkua aqqugalugit nunat allat eqqartuussiviini pisortaqarfiiilu katinnikkut aappariit ataatsimoorlutik pigisaannik pigisanilluunniit allanik inatsimmut matumunnga ilaasunik agguassisarneq unioqquitsinertaqanngitsumik Kalaallit Nunaannilu naammassineqarsinnasumik, naalagaaffimmi sunni-utinik taama ittunik aalajangiiffiusumi, aamma akuersineq naamas-sinninnerlu danskit inatsiseqartitsinerannut ilanngunneqarsinnaannngippat.

Kapitali 12

Inatsisini allani allannguutit

§ 81. (Kalaallit Nunaannut atuutissanngilaq).

§ 82. Aappariilertarneq aappariigunnaartarnerlu pillugit inatsisip Kalaallit Nunaannut atuutilersinneqarneranut peqqussut nr. 307, maajip 14-ianni 1993-imeersumut makkua allanguutaapput:

1. (Kalaallit Nunaannut atuutissanngilaq).

2. § 34, imm. 2, 1. imm.-mi »46-mit 48-mut« allanngussaaq imaalilluni: »47«.

3. § 48 atuukkunnaarpoq.

§ 83. Aappariinnermi inatsisitigut kingunerisassat pillugit inatsisip Kalaallit Nunaannut atortuulerneranik inatsit nr. 150, martsip 31-anni 1993-imeersumut makkua allanngutaapput:

1. § 40, imm. 2 imatut oqaaasertalerneqassaaq:

»Imm. 2. Eqqartuussiviup aalajangernera aalajangeqqitassanngortineqarsinnaavoq Eqqartuussisarermik inatsimmi §§ 517-imiit 527-mut maliitarisassat naapertorlugit.«

2. § 41 atuukkunnaarpoq.

3. Kapitali 6 atuukkunnaarpoq.

4. § 42 imatut allanneqassaaq:

»§ 42. Katinnikkut aappaasup pigisat immikkoortereernerisigut pigisanik agguasup imaluunniit pigisanik ataatsimoorussinerup kingornagut atorunnaarmissaanik akuersisup, tak. § 51 katinnikkut aappariinnermi agguassiinermi il. il. inatsit, Kalaallit Nunaannut peqqussutikkut nr. [ik-kuguk]-kkut [ulloq]-mi atuutilersinneqartoq, taassuma tamakkiisumik imikkut pigisarilissagai.«

§ 84. (Kalaallit Nunaannut atuutissanngilaq)

§ 85. (Kalaallit Nunaannut atuutissanngilaq).

Kapitali 13

Atortussanngortinnerani ikaarsariarnermilu aalajangersakkat il. il.

§ 86. Peqqussut atuutilissaaq [ulloq]. Taamaattoq §§ 70 aamma 71 atuutilissapput Justitsministerip erseqqinnerusumik aalajangersaaneratigut.

Imm. 2. (Kalaallit Nunaannut atuutissanngilaq).

§ 87. Suliat inatsisip suli atuuttuulersinneqannginnerani eqqartuus-sivimmut apuunneqarsimasut, inaarlugit suliarineqassapput maannamut malittarisassat naapertorlugit.

Imm. 2. Naalagaaffiup Sinniisuanut imaluunniit kredsretimut averuser-nissamut avivinnissamulluunniit noqqaassummik apuussisoqarsimappat imaluunniit katinikkut appariinnerup atorunnaarsinneqarnissaanut sulia-sanngortitsisoqarsimappat, inatsisip uuma atuutilinnginnerani, taarsiullugit appariilertarneq appariigunnaartarnerlu pillugit inatsisip Kalaallit Nuna-annt atortuulersinneqarnissaanik peqqussut nr. 307, maajip 14-ianni 1993-imeersumi §§ 50, 51 aamma 67-imut, aamma § 34, imm. 2-mut maannamut malittarisassat allaqganerattut atussapput.

§ 88. (Kalaallit Nunaannut atuutissanngilaq)

§ 89. Peqqussutit inatsit malillugu atuutsinneqartut Kalaallit Nunaanni atuutsinneqanngillat.

¹ Aalajangersagaq imatut oqaasertaqarpoq: “Inatsit Savalimmiunut Kalaallit Nunaannullu atuutinngilaq kisianni, §§ 81 aamma 85 minillugit, kunngip peqqussutaatigut Savalimmi-unut aamma Kalaallit Nunaannut atuutsinneqalersinnaavoq allannguuteqar-tillugu Savalimmiuni Kalaallit Nunaannilu pissutsinut naapertuuttunik.”